

全上古三代秦漢三國六朝文

全後漢文卷十七

烏程嚴可均校輯

鮑永

永字君長上黨屯留人司隸校尉鮑宣子爲郡功曹莽時舉秀才不應更始二年徵再遷尚書僕射行大將軍事持節安集河東并州朔部封中陽侯更始敗歿爲發喪罷兵來降拜諫議大夫出爲魯郡太守封關內侯遷揚州牧母憂去官建武十一年徵爲司隸校尉十五年遷東海相拜兗州牧卒官

奏劾趙王良

今月二十七日車駕臨故中郎將來歛喪還車駕過須臾趙王良從後到與右中郎將張邯相逢城門中道迫狹叱邯旋車又召候岑尊詰責使前走數十步按良諸侯藩臣蒙恩入侍知尊帝城門候吏六百后而肆意加怒令叩頭都道奔走馬頭前無藩臣之禮

大不敬也

後漢鮑永傳注引東觀記

鮑昱

昱字文淵永子建武初試守高都長後爲泚陽長再遷中元初拜司隸校尉永平中坐事免後拜汝南太守十七年代王敏爲司徒建初四年代牟融爲太尉六年卒年七十餘

對災眚問

臣聞聖人理國三年有成今陛下始踐天位刑政未著如知失得何能致異但臣前在汝南典理楚事繫者千餘人恐未能盡當其罪先帝詔言大獄一起冤者過半又諸徙者骨肉分離孤魂不祀袁宏紀此下有骸骨流離死生被毒一人呼嗟王政爲虧宜一切還諸徙家屬蠲除禁錮興滅繼絕生死獲所如此和氣可致後漢鮑永附傳又見袁宏後漢紀十一有小異

救耿恭關寵議

今使人于危難之地急而棄之外則縱蠻夷之暴內則傷死難之

臣誠令權時後無邊事可也匈奴如復犯塞爲寇陛下將何已使將又二部兵人裁各數十匈奴圍之歷旬不下是其寡弱盡力之效也袁宏紀此下有兵家先名後實可令敦煌酒泉太守各將精騎二千多其幡幟倍道兼行以赴其急匈奴疲極之兵必不敢當四十日間足還入塞後漢耿恭傳又見袁宏後漢紀十與此小異

鮑德

德昱子永元初爲黃門侍郎出爲南陽太守徵拜大司農

說竇憲弟夏陽侯瓌

陳寵奉事先帝深見納任故久留臺閣賞賜有殊今不蒙忠能之

實而計幾微之故誠傷輔政容貸之德後漢陳寵傳章帝崩竇憲常衞寵乃白太后典喪事

欲因過中之德素敬寵說夏陽侯瓌

歐陽歙

歙字王思樂安千乘人莽時爲長社宰更始卽位已爲原武令

遷河南都尉行太守事建武初爲河南尹封被陽侯尋拜揚州牧遷汝南太守更封夜侯十五年代韓歆爲大司徒坐汝南臧罪發死獄中

下敎論繇延功

西部督郵繇延天資忠貞稟性公方典部折衝摧破姦雄不嚴而理書曰安民則惠黎民懷之蓋舉善曰敎則不能者勸今與眾儒共論延功顯之于朝太守敬嘉厥休牛酒曰養德

袁宏後漢紀七又略見後漢郵

惲傳風俗通並刪節

郵惲

惲字君章汝南西平人莽時目上書繫獄會赦得免建武中積弩將軍傅俊請爲將兵長史後歸爲縣門下掾病去又爲郡功曹去客江夏郡舉孝廉爲上東城門候後爲梁令遷長沙太守坐事左轉芒長尋免

上書王莽

臣聞天地重其人惜其物故運機衡垂日月含元包一甄陶品類
顯表紀世圖錄豫設漢歷久長孔爲赤制不使愚惑殘人亂時智
者順已成德愚者逆已取害神器有命不可虛獲上天垂戒欲悟
陛下令就臣位轉禍爲福劉氏享天永命陛下順節盛衰取之曰
天還之曰天可謂知命矣若不早圖是不免于竊位也且堯舜不
曰天顯自與故禪天下陛下何貪非天顯曰自累也天爲陛下嚴
父臣爲陛下孝子父教不可廢子諫不可拒惟陛下留神後漢鄧
傳因廢郭后上書

臣聞夫婦之間父不能得之于子君不能得之于臣況臣欲得之
于君乎是臣所不敢也雖然願陛下念其不可勿亂人倫使天下
有議社稷者袁宏後
漢紀七

上書諫獵

昔文王不敢盤游于田，曰：「萬民惟正。」陛下既游獵山林，夜曰：「繼晷其如社稷宗廟何？」暴虎馮河，可為至戒。小臣所竊憂也。袁宏後漢紀七又見

後漢郅惲傳有小異

說遂竝

當今上天垂象，智者曰昌，愚者曰亡。昔伊尹自鬻輔商，立功全人。

惲竊不遜，敢希伊尹之蹤，應天人之變，明府儻不疑逆，俾承天德。

後漢郅惲傳

諫傳俊

昔文王不忍露白骨，武王不曰「天下易」，一人之命，故能獲天地之

應，刻商如林之旅，將軍如何不師法文王而犯逆天地之禁，多傷

人害物，虐及枯尸，取罪神明，今不謝天改政，無曰「全命」，願將軍親

率士卒，收傷葬死，哭所殘暴，曰「明非將軍本意也」。後漢郅惲傳

說太子

久處疑位上違孝道下近危殆昔高宗明君吉甫賢臣及有纖介放逐孝子春秋之義母曰子賈太子宜因左右及諸皇子引愆退身奉養母氏曰明聖教不背所生

後漢瑯琊傳

誓眾

無掩人不備窮人于扈不得斷人支體裸人形骸放淫婦女

後漢瑯琊傳

朱勃

勃字叔陽扶風平陵人莽時試守渭城宰建武中爲雲陽令去官有集二卷

詣闕上書理馬援

臣聞王德聖政不忘人之功採其一美不求備于眾故高祖赦蒯通而曰王禮葬田橫大臣曠然咸不自疑夫大將在外謠言在內微過輒記大功不計誠爲國之所慎也故章邯畏口而奔楚燕將

據聊而不下豈其甘心未規哉悼巧言之傷類也竊見故伏波將軍新息侯馬援自四年冬始歸正朔當此之時虜述矯號于益州隗囂擁兵于隴冀豪傑盱眙且自爲政援拔自西州欽慕聖義聞關險難觸冒萬死孤立羣貴之間傍無一言之佐馳深淵入虎口豈顧計哉寧自知當要七郡之使徼封侯之福邪八年車駕西討隗囂國計孤疑眾營未集援建宜進之策卒破西州隗囂克定援有力焉及吳漢下隴冀路斷隔豪強叛城酋羌殺吏二語從書鈔一百五十六引東觀唯獨狄道爲國堅守士民飢困乃噉弩糞履此語從書鈔補梅鼎祚文紀別收東觀記一條題云按狄道策列于理馬援書之後實卽此書之約文寄命漏刻援奉詔西使鎮慰邊眾乃奮不顧身閒關山谷之中揮戈先零之野招集豪傑曉誘羌戎謀如涌泉執如轉規文選王仲宣誄注引作轉圓遂救倒懸之急存幾亡之城兵全師進因糧敵人隴冀略平而獨守空郡兵動有功師進輒克誅鉏先零緣入山谷猛怒力戰飛矢貫脛徵在虎賁則有

忠策嘉謀于國。又出征交趾。土多瘴氣。援與妻子生訣。無悔吝之心。遂斬滅徵側。克平一州。使王府納越裳之貢。邊境無兵革之憂。閒復南討。立陷臨鄉。師已有業。未竟而死。更士離疫。援不獨存。夫戰或曰久而立功。或曰速而致敗。漢人未必爲得。不進未必爲非。人情豈樂久屯絕地。不生歸哉。惟援得事朝廷二十二年。北出塞漠。南渡江海。觸冒害氣。僵死軍中。名滅爵絕。國土不傳。海內不知其過。眾庶未聞其罪。卒遇三夫之言。橫被誣罔之讒。家屬杜門。葬不歸墓。怨隙竝興。宗親怖慄。死者不能自明。生者莫爲之訟。臣竊傷之。夫明主醴于用賞。約于用刑。高祖嘗與陳平金四萬斤。已閒楚軍。不問出入所爲。豈復疑已錢穀閒哉。夫操孔父之忠。而不能自免于讒。此鄒陽之所悲也。詩云。取彼讒人。投畀豺虎。豺虎不食。投畀有北。有北不受。投畀有昊。此言欲令上天而平其惡。惟陛下留思豎儒之言。無使功臣懷恨黃泉。臣聞春秋之義。罪已功除。聖

王之祀臣有五義若援所謂曰死勤事者也願下公卿平援功罪宜絕宜續曰厭海內之望臣年已六十常伏田里竊感樂布哭彭

越之義冒陳悲憤戰慄闕庭後漢馬援傳袁宏後漢紀八

飛鳥跼蹙馬驚觸虎物類相生亦無不有文選蕭白馬賦注引東觀漢記案朱勅理馬

援書范書袁紀各有刪節今合錄之復據東觀記補足三語此又其佚文也

馬援

援字文淵扶風茂陵人莽時為郡督郵坐事亡命遇赦辟衛將軍王林府拜新城大尹莽敗去郡避地涼州隗囂曰為綏德將軍建武四年奉使洛陽曰為待詔歷太中大夫隴西太守虎賁中郎將拜伏波將軍封新息侯二十五年擊五溪蠻卒于軍為梁松所陷追收侯印建初三年追謚曰忠成侯

上銅馬式表

夫行天莫如龍行地莫如馬馬者甲兵之本國之大用安寧則曰

別尊卑之序有變則已濟遠近之難昔有騏驎一日千里伯樂見之昭然不惑近世有西河子輿亦明相法子輿傳西河儀長孺長孺傳茂陵丁君都君都傳成紀楊子阿臣拔營師事子阿受相馬骨法考之于行事輒有驗効臣愚曰爲傳聞不如親見視景不如察形今欲形之于生馬則骨法難備具又不可傳之于後孝武皇帝時善相馬者東門京鑄作銅馬法獻之有詔立馬于魯班門外則更名魯班門曰金馬門臣謹依儀氏韉中帛氏口齒謝氏脣鬣丁氏身中備此數家骨相已爲法馬高三尺五寸圍四尺四寸

傳

後漢馬援

銅馬相法

水火欲分明

水火在鼻兩孔間也

上脣欲急而方口中欲紅而有光此馬千

里領下欲深下脣欲緩牙欲前向牙去齒一寸則四百里牙劍鋒則千里目欲滿而澤腹欲充脇欲小肋欲長懸薄欲厚而緩

懸薄股也

脇堂欲平滿汗溝欲深長而膝本欲起肘腋欲開膝欲方蹄欲厚

三寸堅如石鬚欲戴中骨高三寸髀中頰欲開而膺下欲廣一尺

目上能久走鞅欲方頸前胸欲直而出腹前肩欲開欲開望視之如雙

冕後漢馬援傳注御覽八百九十六

上疏言隗囂

臣援自念歸身聖朝奉事陛下本無公輔一言之薦左右為容之

助臣不自陳陛下何因聞之夫居前不能令人輕居後不能令人

軒與人怨不能為人患臣所恥也故敢觸冒罪忌昧死陳誠臣與

隗囂本實交友初囂袁宏紀作臣與囂往為知交今問與遣臣東

謂臣曰本欲為漢願足下往觀之袁宏紀作僕北面稱臣加于

汝意可即專心矣及臣還反報曰赤心實欲導之于善非敢謫曰

非義而囂自挾姦心盜憎主人怨毒之情遂歸于臣臣欲不言則

無目上聞袁宏紀作盜憎主人反欲歸怨于願聽詣行在所極陳

滅豎之術得空匈腹申愚策退就隴畝

袁宏紀作然後退就隴畝飯蔬飲水隨四民之職

死無所恨

後漢馬援傳又見袁宏後漢紀五各有刪節

上疏言破羌已西不可棄

充吾已西數十里一城城皆完堅舊制置塞因山阻海其蹊徑輒有候尉故虜不得妄動即棄充吾已西北為殖養虜根內自迫促宜及兵威疾往除之金城諸縣皆田地肥美溉灌流通自有本民易還充實誠不宜有所斷棄若二郡平定流民還本業不復為國

家憂

袁宏後漢紀六

破羌已西城多完牢易可依固其田土肥壤灌漑流通如令羌在

湟中則為害不休不可棄也

後漢馬援傳即前疏之約文案

上書請復鑄五銖錢

富國之本在于食貨宜如舊鑄五銖錢

晉書食貨志

擊尋陽山賊上書

除其竹木譬如嬰兒頭多蟣蝨而剃之蕩蕩然蟣蝨無所復依

九百五十一

引東觀漢記

上書請正印文

臣所假伏波將軍印書伏字犬外嚮成舉令印臬字爲白下羊丞
印四下羊尉印白下人人下羊卽一縣長吏印文不同恐天下不
正者多符印所已爲信也所宜齊同薦曉古文字者事下大司空
正郡國印章

後漢馬援傳注
引東觀漢記

至荔浦見冬筍名曰苞筍上言

禹貢厥包橘柚疑謂是也其味美于春夏筍

聚珍本東
觀漢記

征交阯上言

從蒼洽出貴古擊益州臣所將駱越萬餘人便習戰鬪者二千兵
已上弦毒矢利已數發矢注如雨所中輒死愚已行兵此道最便

蓋承藉水利用爲神捷也

水經葉
榆水注

將入九真上言

臣謹與交阯精兵萬二千人與大兵合一萬人船車大小二千艘

自入交阯于今為盛

水經葉榆水注

平交阯上言

太守蘇定張眼視錢瞞眼討賊怯于戰功宜加切勅

東觀漢記
張珍本

奏請分西于縣

西于縣戶有三萬二千遠界去庭千餘里請分為封溪望海二縣

後漢馬

援傳

與隗囂將楊廣書

春卿無恙

楊廣字春卿

前別冀南寂無音驛援還長安因畱上林竊見

四海已定兆民同情而季孟閉拒背畔

隗囂字季孟

為天下表故常懼

海內切齒思相屠裂故遺書戀戀已致惻隱之計乃聞季孟歸罪

于援而納王游翁詔邪之說

王元字游翁

自謂函谷已西舉足可定已

今而觀竟何如邪援閒至河內過存伯春

幕子柳字伯春

見其奴吉從西

方還說伯春小弟仲舒望見吉欲問伯春無它否竟不能言曉夕

號泣婉轉塵中又說其家悲愁之狀不可言也夫怨讐可刺不可

毀援聞之不自知泣下也援素知季孟孝愛曾閔不過夫孝于其

親豈不慈于其子可有子抱三木而跳梁妄作自同分羹之事乎

季孟平生自言所曰擁兵眾者欲已保全父母之國而完墳墓也

又言苟厚士大夫而已而今所欲全者將破亡之所欲完者將毀

傷之所欲厚者將反薄之季孟嘗折愧子陽而不受其爵今更共

陸陸欲往附之將難為顏乎若復責已重質當安從得子主給是

哉往時子陽獨欲已王相待而春卿拒之今者歸老更欲低頭與

小兒曹共槽櫺而食併肩側身于怨家之朝乎男兒溺死何傷而

拘游哉今國家待春卿意深宜使牛孺卿與諸耆老大人共說季

孟若計畫不從真可引嶺去矣前披輿地圖見天下郡國百有六

有威吾愛之重之願汝曹效之杜季良豪俠好義憂人之憂樂人之樂清濁無所失父喪致客數郡畢至吾愛之重之不願汝曹效也效伯高不得猶爲謹敎之士所謂刻鵠不成尙類鶩者也效季良不得陷爲天下輕薄子所謂畫虎不成反類狗者也訖今季良尙未可知郡將下車輒切齒州郡曰爲言吾常爲寒心是曰不願子孫效也

後漢馬援傳又見袁宏後漢紀七藝文類聚二十三

銅柱銘

漢建武十八年平徵側于龍編樹銅柱于象浦其銘曰金人汗出鐵馬蹄堅子孫相連九九百年

馬希範溪州銅柱記

馬廖

廖字敬平援子少曰父任爲郎永平中曰皇后兄拜羽林左監進虎賁中郎將章帝卽位遷衛尉建初四年封順陽侯曰特進就第永元四年卒謚曰哀侯

上明德太后疏

臣案前世詔令，已百姓不足，起于世尚奢靡。故元帝罷服官，成帝御浣衣，哀帝去樂府。然而侈費不息，至于衰亂者，百姓從行不從言也。夫改政移風，必有其本。傳曰：吳王好劍客，百姓多創瘢。楚王好細腰，宮中多餓死。長安語曰：城中好高髻，四方高一尺；城中好廣袖，四方且半額。城中好大袖，四方全匹帛。斯言如戲，有切事實。前下制度，未幾後稍不行，雖或吏不奉法，良由慢起京師。今陛下躬服厚綈，斥去華飾，素簡所安，發自聖性，此誠上合天心，下順民望，浩大之福，莫尚于此。陛下既已得之自然，猶宜加已勸勵，法太宗之隆德，戒成哀之不終。易曰：不恆其德，或承之羞。誠令斯事一竟，則四海誦德，聲薰天地，神明可通，金石可勒。而況于行仁心乎？況于行令乎？願置章坐側，已當警人夜誦之音。後漢馬廖傳

馬防

防字江平

東觀記作公平又作孝孫

援第二子永平中為黃門侍郎章帝卽

位遷中郎將城門校尉拜車騎將軍封潁陽侯已特進就第後

為光祿勳復遣就第永元中徙封翟鄉侯

奏上迎氣樂

上巳大常樂丞鮑鄴等上樂事下車騎將軍馬防防奏言建初二

年七月鄴上言王者飲食必道順四時五味故有食舉之樂所已

順天地養神明求福應也移風易俗莫善于樂樂者天地之和不

可久廢今官雅樂獨有黃鍾而食舉

已上九字從東觀記補

樂但有太簇皆

不應月律恐傷氣類

此句從東觀記補

可作十二月均各應其月氣公卿

朝會得聞月律

此二句從東觀記補

乃能感天地和氣宜應明帝始令靈臺

六律候而未設其門樂經曰十二月行之所已宣氣豐物也月開

斗建之門而奏歌其律誠宜施行願與待詔嚴崇及能作樂氣者

共作治考工給所當詔下太常太常上言作樂器直錢百四十六

萬請太僕作成上奏寢今明詔下臣防臣輒問鄴及待詔知音律者皆言聖人作樂所曰宣氣致和順陰陽也臣愚曰爲可順上天之明時因歲令王正東觀記作四歲首之嘉月發太族之律奏雅頌之音東觀記作四歲首之嘉月曰立太平已迎和氣其條貫甚備續漢律厯志上注補引辭聲書後漢章紀注引東觀記又隋書音樂志下

馬嚴

觀書馬防傳

嚴字威卿援第二兄余之子建武中爲郡督郵援卒後去居安陵永平初明德皇后旣立避嫌更徙北地後移居洛陽爲將軍長史章帝時拜侍御史中丞遷五官中郎將行長樂衛尉事出爲陳畱太守徵拜太中大夫遷將作大匠坐事免後不復仕永元十年卒年八十二

日食上封事

臣聞日者眾陽之長食者陰侵之徵書曰無曠庶官天工人其代

之言王者代天官人也故考績黜陟曰明褒貶無功不黜明陰盛陵陽臣伏見方今刺史太守專州典郡不務奉事盡心爲國而司察偏阿取與自己同則舉爲尤異異則中曰刑法不卽垂頭塞耳採取財賂今益州刺史朱黼揚州刺史倪說涼州刺史尹業等每行考事輒有物故又選舉不實曾無貶坐是使臣下得作威福也故事州郡所舉上奏司直察能否曰懲虛實今宜加防檢式遵前制舊丞相御史親治職事唯丙吉曰年老優游不案吏罪于是宰府習爲常俗更共罔養曰崇虛名或未曉其職便復遷徙誠非建官賦祿之意宜勅正百司各責曰事州郡所舉必得其人若不如言裁曰法令傳曰上德曰寬服民其次莫如猛故火烈則人望而畏之水懦則人狎而翫之爲政者寬曰濟猛猛曰濟寬如此綏御有體災眚消矣

後漢馬嚴傳

上書求進女掖庭

臣叔父援孤恩不報而妻子特獲恩全戴仰陛下爲天爲父人情
既得不死便欲求福竊聞太子諸王妃匹未備援有三女大者十
五次者十四小者十三儀狀髮膚上中呂上皆孝順小心婉靜有
禮願下相工簡其可改如有萬一援不朽于黃泉矣又援姑姊妹
竝爲成帝婕妤葬于延陵臣嚴幸得蒙恩更生冀因緣先姑當充
後宮

後漢明德
馬皇后紀

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷十七終

全後漢文卷十八

烏程嚴可均校輯

馬融

融字季長，嚴第五子。永初中，大將軍鄧騭召爲舍人，拜校書郎。又拜郎中，在東觀十年，不調。自劾歸，爲鄧太后所怒，禁錮六年。安帝親政，召還郎署，復在講部，出爲河間王廩長，召拜郎中。順帝卽位，移病去，爲郡功曹。陽嘉中，舉敦樸，對策，拜議郎、大將軍。梁商表爲從事中郎，轉武都太守。桓帝時，遷南郡太守，曰：「忤梁冀，免官。」髡徙朔方，自刺，不殊，遇赦，復拜議郎。重在東觀著述，已病去官。延熹九年卒于家，年八十八。有周易注十卷，尚書注十一卷，毛詩注十卷，周官注十二卷，喪服經傳注一卷，孝經注二卷，又儀禮注、禮記注、春秋三傳異同說、論語注、列女傳注、老子注、淮南子注、離騷注若干卷，集九卷。

琴賦

惟梧桐

文選司馬彪詩注作倚梧

之所生在衡山之峻陂于是遨閒

文選酒德頌注作游

開

公子中道失志居無室廬罔所息置

二語從酒德頌注補

孤榮特行懷閔

抱思昔師曠三奏而神物下降立鶴二八軒舞于庭何琴德之淡

哉

藝文類聚四十四文選司馬彪贈山濤詩注顏延之曲水詩序注劉伶酒德頌注

長笛賦

并序

融既博覽典雅精核數術又性好音律鼓琴吹笛而為督郵無畱事獨臥鄒平陽鄔中有雒客舍逆旅吹笛為氣出精列相和融去京師踰年楚聞甚悲而樂之追慕王子淵枚乘劉伯康傅武仲等蕭琴笙頌唯笛獨無故聊復作長笛頌其辭曰

惟籊籊之奇生兮干終南之陰崖託九成之孤岑兮臨萬仞之石磧特箭橐而莖立兮獨聆風于極危秋潦漱其下趾兮冬雪揣封乎其枝巔根跼之藥別兮感迴飈而將頽夫其而旁則重巘增后

簡積頽頽，兀嬰標鱗，傾吳倚伏，摩窮巧老，港洞坑谷，嶰壑滄崦，峭
窳巖窳，運衰淳浚，岡連嶺屬，林蕭蔓荆，森樛柞樸，于是山水猥至，
渟潏障潰，頽淡湧流，確投澗穴，爭湍萃縈，汨活澎湃，波瀾鱗淪，窅
隆詭戾，濶瀑噴沫，犇遞礪突，搖演其山，動杌其根，者歲五六而至，
焉是日，閼介無蹊，人迹罕到，猿雌晝吟，鼯鼠夜叫，寒熊振頽，特磨
昏眊，山雞晨羣，壑雉晁雊，求偶鳴子，悲號長嘯，由衍識道，噍噍譟
譟，經涉其左右，詭聒其前後，者無晝夜而息焉，夫固危殆險巇之
所迫也，眾哀集悲之所積也，故其應清風也，纖末奮精，錚鏘營囁，
若絙瑟促柱，號鐘高調，于是放臣逐子，棄妻離友，彭胥伯奇，哀姜
孝己，攢乎下風，收精注耳，靈歎頽息，招膺辦標，泣血泣流，交橫而
下，通旦忘寐，不能自禦，于是乃使魯般宋翟，構雲梯，抗浮柱，蹉纖
根，跋綫縷，膺陷阨，腹陁阻，逮乎其上的，匍匐伐取，挑截本末，規摹裁
矩，夔襄比律，子壑協呂，十二畢具，黃鐘爲主，橋揉斤械，剝揆度擬，

總洞墮墜程表朱裏定名曰笛。已觀賢士陳于東階。八音俱起。食舉雍撤。勸侑君子。然後退理乎黃門之高廊。重丘宋灌名師郭張工人巧士肄業修聲。于是遊閒公子暇豫王孫心樂五聲之和耳比八音之調。乃相與集乎其庭。詳觀夫曲盾之繁會叢雜。何其富也。紛葩爛漫。誠可喜也。波散廣衍。實可異也。掌距劫還。又足怪也。啾咋嘈啐。倡華羽兮。絞灼激。已轉切。震鬱拂。已惡怒兮。眩礪駭。已奮肆。氣噴勃。已布覆兮。乍踟躕。已狼戾。雷叩鍛之岌峇兮。正瀏漂。已風冽。薄湊會而凌節兮。馳趣期而赴躑爾。乃聽聲類形。狀倡流水。又象飛鴻。汜濫溥漠。浩浩洋洋。長轡遠引。旋復迴皇。充屈鬱律。曠齒礪挾。鄧瑱磊落。駢田嶠岵。取予時適。去就有方。洪殺衰序。希數必當。微風纖妙。若存若亡。滯抗絕中息。更裝奄忽滅沒。眈然復揚。或乃聊虛固護。專美擅工。漂凌絲簧。覆冒鼓鐘。或乃植持纒。纏。怡憊。寬容。蕭管備舉。金石竝隆。無相奪倫。已宣八風律呂。既和。

哀聲五降曲終闋盡餘絃更興繁手累發密櫛疊重踴躍攢仄蜂
聚蟻同眾音猥積已送厥終然後少息愜意雜弄閒奏易聽駭耳
有所搖演安翔翺蕩從容闡緩惆悵怨懣竊圖竄赦聿皇求索仁
近乍遠臨危自放若頽復反蚡緼蟠紆經冤蛺蝶篴笏抑隱行入
諸變絞縈汨湟五音代轉按拏梭臧遞相乘適反商下徵每各異
善故聆曲引者觀法于節奏察變于句投已知禮制之不可踰越
焉聽遙弄者遙思于古昔虞志于怛惕已知長戚之不能閒居焉
故論記其義協比其象徬徨縱肆曠濆倣罔老莊之概也溫直擬
毅孔孟之方也激朗清厲隨光之介也牢刺拂戾諸賁之氣也節
解句斷管商之制也條決續紛申韓之察也繁縟駘驛范蔡之說
也勞櫟鉅憤哲龍之惠也上擬法于韶箴南籥中取度于白雪淥
水下采制于延露巴人是已尊卑都鄙賢愚勇懼魚鼈禽獸聞之
者莫不張耳鹿駭熊經鳥申鵠眙狼顧拊譟踴躍各得其齊入盈

所欲皆反中和。曰：「美風俗，屈平適樂國，介推還受祿，澹臺載尸歸。皋魚節其哭，長葛輟逆謀。渠彌不復惡，蒯聩能退敵。不占成節，鄂王公保其位。隱處安林薄，宦夫樂其業。士子世其宅，鰥魚喁于水。裔仰駟馬而舞，立鶴于時也。縣駒吞聲，伯牙毀絃。瓠巴珥柱，磬囊弛懸。雷眎矐眎，累稱屢讚。失容墜席，搏拊雷拉。焦眇睢維，涕洟流漫。是故可曰：通靈感物，寫神喻意，致誠效志，率作興事。慨盥汙穢，澡雪垢滓矣。昔庖羲作琴，神農造瑟，女媧制箏，暴辛爲埙，倕之和鐘，叔之離磬，或鑠金鑿石，華琬切錯，丸挺彫琢，刻鏤鑽筭，窮妙極巧。曠曰日月，然後成器。其音如彼，唯笛因其天姿，不變其材，伐而吹之，其聲如此。蓋亦飭易之義，賢人之業也。若然，六器者猶曰：「二皇聖哲，難益。況笛生于大漠，而學者不識其可。曰：裨助盛美，忽而不讚。悲夫！有庶士丘仲，言其所出，而不知其弘妙。其辭曰：『近世雙笛從羌起，羌人伐竹未及已。龍鳴水中不見已，截竹吹之聲相

但刻其上孔通制之。裁曰：當過便易持，易京君明識音律，故本四孔加一。一君明所加孔後出，是謂商聲五音畢。文選裁文類聚

園碁賦

略觀園碁兮，法于用兵。三尺之局兮，爲戰鬪場。陳聚士卒兮，兩敵相當。拙者無功兮，弱者先亡。自有中和兮，請說其方。先據四道兮，保角依旁。緣邊遮列兮，往往相望。離離馬目兮，連連鴈行。踔度閒置兮，徘徊中央。違閑奮翼兮，左右翱翔。道狹敵眾兮，情無遠行。碁多無策兮，如聚羣羊。駱驛自保兮，先後來迎。攻寬擊虛兮，躊躇內房。利則爲時兮，便則爲強。厭于食兮，壞決垣牆。堤潰不塞兮，泛濫遠長。橫行陣亂兮，敵心駭惶。迫兼碁難兮，頗棄其裝。已下險口兮，鑿置清坑。窮其中郛兮，如鼠入囊。收取死卒兮，無使相迎。當食不食兮，反受其殃。勝負之據兮，于言如髮。乍緩乍急兮，上且未公。白黑紛亂兮，于約如葛。雜亂交錯兮，更相度越。守規不固兮，爲所唐

突深入貪地兮殺亡士卒狂攘相救兮先後并沒上下難還兮四面隔閉圍合罕散兮所對哽咽韓信將兵兮口難通絕自陷死地兮設見譴譎誘敵先行兮往往一室捐其委食兮遺三將七遲逐爽問兮轉相伺密商度地道兮暮相連結蔓延連閣兮如火不滅扶疏布散兮左右流溢浸淫不振兮敵人懼慄迫促蹶蹶兮惆悵自失計功相除兮日時早訖事爾變生兮拾其欲疾營惑窘乏兮無令詐出溪念遠慮兮勝乃可必

藝文類聚七十四古文苑

檮蒲賦

昔有玄通先生遊于京都道德既備好此檮蒲伯陽入戎呂斯消憂梓則素旃紫羅出乎西鄰緣曰續繡緜曰綺文杯則櫛木之幹出自昆山矢則藍田之石卞和所工含精玉潤不細不洪馬則元犀象牙是礎是礪杯爲上將木爲君副齒爲號令馬爲翼距籌爲策動矢法卒數于是芬葩貴戚公侯之儔坐華棖之高殿臨激水

之清流排五木散九齒勒良馬取道里是已戰無常勝時有逼逐
臨敵攘圉事在將帥見利電發紛綸澎湃精誠一叫十盧九雉磊
落跼蹐并來猥至先名所射應聲紛潰勝貴歡悅負者沈悴其類聚

四
龍虎賦

勇怯見之莫不主臣

史記陳平世家集解注

陽嘉二年舉敦樸對策

臣聞立天之道曰陰與陽立地之道曰柔與剛夫陰陽剛柔天地
所已立也取仁于陽資義于陰柔已施德剛已行刑各順時月已
厚羣生帝王之法天地設位四時代序王者奉順則風雨時至嘉
禾毓植天失其度則咎徵並至饑饉薦臻今科條品制禁令所已
承天順民者備矣悉矣不可加矣然而不平之效猶有咨嗟之怨
者百姓屢聞恩澤之聲而未見惠和之實也今從政者變忽法度

曰殺戮威刑爲能賢問其國守相及令長何如其稱之也曰大急其毀之也曰大緩夫急致寒緩致燠二者罪同而論者許急此陰陽所已不和也復之之道審察緩急之傷譽鈞同寒燠之罪罰已崇王政則陰陽和好惡旣明則宰官之吏知所避就又正身已先之嚴已泄之不變則刑罰之夫知爲善之必利爲惡之必害孰能不化則官良矣臣聞洪範八政曰食爲首周禮九職曰農爲本民失耕桑飢寒竝至盜賊之原所由起也古之足民仰足已養父母俯足已畜妻子然後敦五教宣三德則休嘉之化可致也夫足者非能家給而人足量其財用爲其制度故嫁娶之禮儉則昏姻已時矣喪制之禮約則終者掩藏矣不奪其時則農夫不失矣夫妻子已累其心產業已重其志舍此而爲非者雖有必不多矣今則不然此盜賊所已不息誠使制度必行禁令必止則仕者不濫法式之外百工不作無用之器商賈不通難得之貨農夫不失三

時之務各安所業則盜賊消除災害不起矣

卷之八

大中之道在天爲北辰在地爲人君

補注

飛章虛誣李固

順帝時

臣聞君不稽古無曰承天臣不述舊無曰奉君昔堯殂之後舜仰慕三年坐則見堯于牆食則覩堯于羹斯所謂事追來孝不失臣子之節者太尉李固因公假私依正行邪離開近戚自隆支黨至于表舉薦達例皆門徒及所辟召靡非先舊或富室財賂或子壻婚屬其列在官牒者凡四十九人又廣選賈豎曰補令史募求好馬臨窗呈試出入踰後輜駟曜日大行在殯路人掩涕固獨胡粉飾貌搔頭弄姿槃旋偃仰從容治步曾無慘怛傷悴之心山陵未成違矯舊政善則稱己過則歸君斥逐近臣不得侍送作威作福莫固之甚臣聞台輔之位實和陰陽璇璣不平寇賊茲軌則責在太尉固受任之後東南跋扈兩州數郡千里蕭條兆人傷損大化

陵遲而詆疵先主苟肆狂狷存無廷爭之忠沒有誹謗之說夫子
罪莫大于累父臣惡莫深于殺君固之過釁事合誅辟後漢李固傳按吳
祐傳云梁冀誅奏太尉李固時馬融在坐為冀草章馬融傳云
為梁冀草奏李固又作大將軍西第領召此頗為正直所羞
上疏乞自効

今雜種諸羌轉相鈔盜宜及其未并亟遣漢入破其支黨而馬賢
等處處畱滯羌胡百里望塵千里聽聲飲酒高會不曰為慮坐食
穀米未聞所擊臣竊惑之夫事不復校而可收名獲實斯乃征討
者之私便非國家之公利也臣聽輿人之頌云賢欲目前受降使
譁聲東聞且懼士卒將不堪命有高克潰叛之變也臣又聞吳起
為將暑不張蓋寒不披裘戎事不遑女器御覽七百六十一引云
流使士卒迎流飲其下明今賢野次垂幕珍肴雜選兒子侍妾事
不獨也當見此下刪文與古反御覽七百八引云于中軍帳內施能臣兄弟受恩誠私憤
悵鉛錫之刀日效一割之用臣願請兵五千纔加步隊之號庶自

率勵與之齊勇。昔毛遂願處囊中。趙之廝養欲說燕。初爲眾笑。後效其功。臣託儒者。不便武職。猥陳此言。訪之羣司。知當受虛誕之辜。唯加裁省。

袁宏後漢紀十九

今雜種諸羌。轉相鈔盜。宜及其未并。亟遣深入。破其支黨。而馬賢等處處畱滯。羌胡百里望塵。千里聽聲。今逃匿避回。漏出其後。則必侵寇三輔。爲民大害。臣願請賢所不可用。關東兵五千。裁假部隊之號。盡力率厲。埋根行道。已先吏士。三旬之中。必克破之。臣少習學藝。不更武職。猥陳此言。必受誣罔之辜。昔毛遂廝養。爲眾所嗤。終已一言。克定從要。臣懼賢等專守一城。言攻于西。而羌出于東。且其將士。必有高克潰叛之變。

後漢馬融傳。按此與袁宏紀各有刪節。而語次不同。

上書請赦龐參梁懂

元初中

伏見西戎反畔。寇鈔五州。陛下愍百姓之傷痍。哀黎元之失業。單竭府庫。已奉軍師。昔周宣獫狁。侵鎬及方。孝文匈奴。亦略上郡。而

宣王立中興之功文帝建太宗之號非惟兩主有明獻之姿抑亦
扞城有虓虎之助是已南仲赫赫列在周詩亞夫赳赳載于漢策
竊見前護羌校尉龐參文武昭備智略弘遠既有義勇果毅之節
兼已博雅深謀之姿又度遼將軍梁懂前統西域勤苦數年還留
三輔功效克立閒在北邊單于降服今皆幽囚陷于法網昔荀林
父敗績于邲晉侯使復其位孟明視喪師于崤秦伯不替其官故
晉景并赤狄之土秦穆遂霸西戎宜遠覽二君使參懂得在寬宥
之科誠有益于折衝毗佐于聖化

後漢龐參傳

延光四年日蝕上書

伏讀詔書陛下深惟禹湯罪己之義歸咎自責寅畏天戒詳延百
僚博問公卿知變所自審得厥故修復往術已答天命臣子遠近
莫不延頸企踵苟有隙空一介之知事願自效貢納聖聽臣伏見
日蝕之占自昔典籍十月之交春秋傳記漢注所載史官占候羣

臣密對陛下所觀覽左右所諷誦可謂詳悉備矣雖復廣問陷在前志無已復加乃者第氣于參臣前得敦朴之人後三年二月對策北宮端門已爲參者西方之位其于分野并州是也殆謂西戎北狄其後種羌叛戾烏桓犯上郡并涼動兵驗略效矣今復見大異申誠重譴于此二城海內莫見三月一日合辰在婁婁又西方之宿眾古顯明者羌及烏桓有悔過之辭將吏策勳之名臣恐受仕典牧者苟脫目前皆粗圖身一時之權不顧爲國百世之利論者美近功忽其遠則各相不大疾病伏爲天象不虛老子曰圖難于其易也爲大于其細也消災復異宜在于今詩曰日月告凶不用其行四國無政不用其良傳曰國無政不用善則自取謫于日月之災故政不可不慎也務三而已一日擇人二曰安民三曰從時臣融伏惟方今有道之世漢典設張侯甸采衛司民之吏案三循墨雖有殿最所差無幾其陷罪辟身自取禍百姓未被其大傷

至邊郡牧御失和吉之與凶敗之與成優劣相懸不誠不可審擇
其人上曰應天變下曰安民隸竊見列將子孫生長京師食仰租
奉不知稼穡之艱又希遭阨困故能果毅輕財施與孤弱曰獲死
生之用此其所長也不拘法禁奢泰無度功勞足曰宣威踰濫足
曰傷化此其所短也州郡之士出自貧苦長于撿押雖專賞罰不
敢越溢此其所長也拘文守法遭遇非常狐疑無斷畏首畏尾威
恩纖薄外內離心士卒不附此其所短也必得將兼有二長之才
無二短之累參曰吏事任曰兵法有此數姿然後能折衝厭難致
其功實轉災爲福孔子曰十室之邑必有忠信如丘者焉曰天下
之大四海之眾云無若人臣曰爲誣矣宜特選詳譽審得其真鎮
守二方曰應用良擇人之義曰塞大異也

四月庚申白
縣上書云云

又陳星李

星李參畢參西方之宿畢為邊兵至于分野并州是也西戎北狄
始將起乎宜備二方後漢馬融傳

奏馬賢事

賢專于軍設重車疊幕曰油表其上魏夷其山為薛翠設其中書

一百三十二

與竇伯向書

竇章字伯向

孟陵奴來賜書見手跡歡喜何量次于面也書雖兩紙紙八行行
七字七八五十六字百十二言耳藝文類聚三十一

與謝伯世書

憤憤愁思猶不解懷思在竹間放狗逐麋晚秋涉冬大蒼出籠黃
棘下菟筆曰乾葵曰送餘日茲樂而已
藝文類聚九十一
御覽九百三十六

書序

泰誓後得案其文伯若淺露文云八百諸侯不召自來不期同時

不謀同辭及火復于上至于王屋流爲鵠至五曰穀俱來舉火神
怪得無在子所不語中乎又春秋引泰誓曰民之所欲天必從之
國語引泰誓曰朕夢協朕卜襲于休祥戎商必克孟子引泰誓曰
我武惟揚侵于之疆取彼凶殘我伐用張于湯有光孫卿引泰誓
曰獨夫受禮記引泰誓曰予克受非予武惟朕文考無罪受克予
非朕文考有罪惟予小子無良今文泰誓皆無此語吾見書傳多
矣所引泰誓而不在泰誓者甚多弗復悉記略舉五事曰明之亦
可知矣尙書泰誓序正義 秦張溥本有忠
經序忠經及序皆宋人依託不錄

廣成頌

鄧太后臨朝臨兄弟輔政而俗儒世士曰爲文德可興武功宜廢
遂寢蒐狩之禮息戰陳之法故猾賊從橫乘此無備融乃感激曰
爲文武之道聖賢不墜五才之用無或可廢元初二年上廣成頌
曰諷諫其辭曰

臣聞孔子曰奢則不遜儉則固奢儉之中曰禮爲界是曰蟋蟀山
樞之人竝刺國君諷曰太康馳驅之節夫樂而不荒憂而不困先
王所曰平和府藏頤養精神致之無疆故夏擊鳴球載干虞謨吉
日車攻序于周詩聖主賢君曰增盛美豈徒爲奢淫而已哉伏見
元年曰來遭值厄運陛下戒懼災異躬自菲薄荒棄禁苑廢弛樂
懸勤憂潛思十有餘年曰過禮數重以皇太后體唐堯親九族篤
睦之德陛下履有虞烝烝之孝外舍諸家每有憂疾聖恩普勞遣
使交錯稀有曠絕時時寧息又無曰自娛樂殆非所曰逢迎太和
裨助萬福也臣愚曰爲雖尚頗有蝗蟲今年五月曰來雨露時滋祥
應將至方涉冬節農事閒隙宜幸廣成覽原隰觀宿麥勸收藏因
講武校獵使寮庶百姓復觀羽旄之美聞鐘鼓之音歡欣喜樂鼓
舞疆畔曰迎和氣招致休慶小臣螻蟻不勝區區職在書籍謹依
舊文重述蒐狩之義作頌一篇并封上淺陋鄙薄不足觀省臣聞

昔命師于韃靼。假伯于靈臺。或人嘉而稱焉。彼固未識夫雷霆之
爲天常。金革之作昏明也。自黃炎之前。傳道罔記。三五已來。越可
略聞。且區區之鄆郊。猶廓七十里之固。盛春秋之苗。詩詠圃草。樂
奏騶虞。是曰大漢之初基也。宅茲天邑。總風雨之會。交陰陽之和。
揆厥靈囿。營于南郊。徒觀其埏場區宇。恢怡曠蕩。顧勿罔寥豁。
鬱泱。騁望千里。天與地莽。于是周陸環瀆。右轡三塗。左概嵩嶽。面
據衡陰。箕背王屋。浸曰波瀾。黃曰榮洛。金山石林。殷起乎其中。峨
峨磴磴。鏘鏘唯唯。隆穹榮回。嵎嶁錯崔。神泉側出。丹水濕池。怪石
浮磬。爛熳于其陂。其土毛則摧牧薦草。芳茹甘荼。芘其芸薹。昌本
深蒲。芝蒿董萱。蓂荷芋渠。桂荏薨葵。格菹蒹干。其植物則玄林包
竹。藩陵蔽京。珍林嘉樹。建木叢生。椿楮栝柏。栢柳楓楊。豐彤對蔚。
崑嶺慘爽。翕習春風。含津吐榮。鋪于布濩。唯屬蕭榮。惡可殫形。至
于陽月。陰惡害作。百草畢落。林衡戒田。焚萊柞木。然後舉天綱。頓

八紘擎斂九藪之動物。縹緲四野之飛征。鳩之乎茲。圖之中。山。敦
雲移。羣鳴膠膠。鄙駭譟譟。子野聽聳。離朱目眩。隸首策亂。陳子籌
昏。于是營園恢廓。充斥川谷。罕置羅罝。彌綸阡澤。皋牢陵山。校隊
案部。前後有屯。甲乙相伍。戊子爲堅。乘輿乃已。吉月之陽朔。登于
疏鑿之金路。六驂駛之玄龍。建雄虹之旌夏。揭鳴鳶之修幢。曳長
庚之飛髻。載日月之太常。棲招搖與玄戈。注枉矢于天狼。羽毛紛
其影。颺揚金髮而拖玉環。屯田車于平原。播同徒于高岡。旃旛摻
其如林。錯五色已摘光。清氛埃。埽野壤。誓六師。搜雋良。司徒勒卒
司馬平行。車攻馬同。敎達戒通。伐咎鼓。撞華鐘。獵徒縱。赴榛叢。微
嬗霍奕。別驚分奔。騷擾聿皇。往來交舛。紛紛回回。南北東西。風行
雲轉。匈礪隱飢。黃塵勃潏。闇若霧昏。日月爲之籠光。列宿爲之翳
昧。僊狡課才。勁勇程氣。狗馬角逐。鷹鷂競鷙。驍騎旁佐。輕車橫厲。
相與陸梁。聿皇于中原。緝毚蹏。縱特肩。脰完抵。搗介鮮。散毛族。楷

羽羣然後飛鋌電激流矢雨墜各指所質不期俱殪竄伏扔輪發
作梧轆殺父狂擊頭陷顛倅獸不得緣禽不得警或夷由未殊顛
狼頓蹶螻螻蟬蟬充衢塞隨葩華蒨布不可勝計若夫驚獸殺蟲
倨牙黔口大匈哨後緼巡歐紆負隅依阻莫敢嬰禦乃使鄭叔晉
婦之徒睽孤刳刺裸程袒裼冒楸柘搓棘枳窮浚谷底幽嶰暴斥
虎搏狂兕獄齧熊祛封狝或輕紗遶悍度疏婁頌犯厯嵩巒陵喬
松履修楠踔躐枝杪標端尾蒼雌拑玄猿木產盡寓屬單罕罔合
部晉弋同曲類行竝驅星布麗屬曹伍相保各有分局增繕飛流
織羅絡縹遊雉羣驚晨冕輩作聳然雲起霽爾雹落爾乃蘋觀高
蹈改乘回轅泝恢方撫馮夷策句芒超荒忽出重陽厲雲漢橫天
潢導鬼區徑神場詔靈保召方相驅厲疫走蜮祥稍罔兩拂游光
枷天狗縹墳羊然後緩節舒容裴回安步降集波禦川衡澤虞矢
魚陳畧茲飛宿沙田開古蠱翬終葵揚關斧刊重冰撥蟄戶測潛

鱗踵介旅逆獵端瀾濟薄汾撓淪滅潭淵左挈螭龍右提蛟鼉春
獻王鮪夏薦鼃黿于是流覽徧照嬋變極態上下究竟山谷蕭條
原野嶢嶸上無飛鳥下無走獸虞人植旂獵者效具車弊田罷旋
入禁園棲遲乎昭明之觀休息乎高光之榭日臨乎宏池鎮日瑤
臺純已金堤樹已蒲柳被已綠莎瀆濬沆漭錯紵縈委天地虹洞
固無端涯大明生東月朔西陂乃命壺涿驅水蟲逐罔螭滅短狐
潛鯨鯢然後方餘皇連舳舟張雲帆施蜺幘靡颺風陵迅流發櫂
歌縱水謳淫魚出蓄蔡浮湘靈下漢女游水禽鴻鵠鷺鷥鷺鷥
鵠鷺鷥鷺鷥鷺鷥乃安斯寢戢翮其涯魴鱖鰕鰻鯉鯢鰓樂我
純德騰踊相隨雖靈沼之白鳥孟津之躍魚方斯蔑矣然猶詠歌
于伶簫載陳于方策豈不哀哉于是宗廟既享庖廚既充車徒既
簡器械既攻然後擺牲班禽於賜犒功羣師疊伍伯校千重山嶽
常滿房俎無空酒正案隊膳夫巡行清醪車湊燔炙騎將鼓駭舉

鼙鼓鳴旣觴若迺陽阿哀斐之晉制聞龍華羽之南音所曰洞蕩
匈臆發明耳目疏越蘊懣駭恫底伏鏗鏘鏘鏘奏于農郊大路之
衢與百姓樂之是曰明德耀乎中夏威靈暘乎四荒東鄰浮巨海
而入享西旅越葱嶺而來王南徼因九譯而致貢朔狄屬象胥而
來同蓋安不忘危治不忘亂道在乎茲斯固帝王之所曰曜神武
而折遐衝者也方今大漢收功于道德之林致平于仁義之淵忽
鬼狩之禮闕槃虞之佃閭昧不覩日月之光聳昏不聞雷霆之震
于今十二年爲日久矣亦方將刊禁臺之祕藏發天府之官常由
質要之故業率典刑之舊章采清原嘉岐陽登俊桀命賢良舉淹
滯拔幽荒察淫侈之華譽顧介特之實功聘吠畝之羣雅宗重淵
之潛龍乃儲精山鼓歷思河澤目矚鼎俎耳聽康衢管傳說于晉
靡求伊尹于庖廚索膠鬲于魚鹽聽甯戚于大車俾之昌言而宏
議軼越三家馳騁五帝悉覽休祥摠括羣瑞遂棲鳳皇于高梧宿

麒麟于西園納焦僬之珍羽受王母之白環永逍遙乎宇內與二
儀乎無疆試造化于后土參神施于昊乾超特達而無儔煥巍巍
而無原豐千億之子孫歷萬載而永延禮樂既闕北轅反旆至自
新城背伊闕反洛京

後漢馬融傳

東巡頌

允迪在昔紹烈陶唐殷天衷克搖光若時則運瓊衡敷六典經八
成變和萬殊愬領神明肆類乎上帝燔柴乎三辰禋祀乎六宗祗
燎乎羣神遂發號羣司申戒百工卜筮稱吉著邇襲從南征有時
馮相告祥清夷道而後行曜四國而揚光展聖義于巡狩喜圻時
而詠八荒指宗嶽曰爲期固岱神之所望散齋既畢越異良辰棫
橈增構烈火燔燃暉光四燭焱爛薄天蕭香肆升青煙習雲瑤璋
峩峩犧牲潔純鬱密宗彝明水玄樽空桑孤竹咸池雲門六八匪
變神祇竝存

藝文類聚三十九初學記十三御覽五百三十七

梁大將軍西第頌

西北戌亥立石承輸蝦蟆吐寫庚辛之城南齊書禮志上引西第賦通典五十五

黃果揚芳紫房潰漏文選蜀都賦注又潘岳閑居賦注

胡桃自零文選蜀都賦注御覽九百七十一

騰極受檐陽馬承阿文選景福殿賦注又七命注

遺令

穿中除五時衣但得施逢絹單衣御覽六百九十一

冢中不得下銅唾壺御覽七百三

自敘

融字季長右扶風茂陵人少而好問學無常師大將軍鄧騭召爲舍人棄游武都會羌虜起自關中西道斷融曰謂古人有言左手據天下之圖而右手刎其喉愚夫不爲何則生貴于天下也豈曰曲俗咫尺爲羞滅無限之身哉因往應之爲校書郎出爲南郡太

守世說文學篇
注引融自歎

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷十八終

全後漢文卷十九

烏程嚴可均校輯

范升

升字辯卿代郡人莽時大司空王邑辟爲議曹史後奉使上黨遇漢兵畱不還建武初徵拜議郎遷博士後爲出妻所告繫獄得出永平中爲聊城令坐事免

上疏讓博士

臣與博士梁恭山陽太守呂羌俱修梁丘易二臣年竝耆艾經學淡明而臣不巳時退與恭竝立溪知羌學又不能達慙負二老無顏于世誦而不行知而不言不可開口曰爲人師願推博士曰避恭羌

後漢范升傳
建武二年

上疏請諡祭遵

建武九年

臣聞先王崇政尊美屏惡昔高祖大聖深見遠慮班爵割地與下

分功著錄勲臣頌其德美生則寵曰殊禮奏事不名入門不趨死則疇其爵邑世無絕嗣丹書鐵券傳于無窮斯誠大漢厚下安人長久之德所已累世十餘歷載數百廢而復興絕而復續者也陛下已至德受命先明漢道褒序輔佐封賞功臣同符祖宗征虜將軍潁陽侯遵不幸早薨陛下仁恩爲之感傷遠迎河南惻怛之慟形于聖躬喪事用度仰給縣官重賜妻子不可勝數送死有已加生厚亡有已過存矯俗厲化卓如日月古者臣疾君視臣卒君弔德之厚者也陵遲已來久矣及至陛下復興斯禮羣下感動莫不自厲臣竊見遵修行積善竭忠于國北平漁陽西拒隴蜀先登坻上深取略陽眾兵旣退獨守衝難制御士心不越法度所在吏人不知有軍清名聞于海內廉白著于當世所得賞賜輒盡與吏士身無奇衣家無私財同產兄午已遵無子娶妾送之遵乃使人逆而不受自己身任于國不敢圖生慮繼嗣之計臨死遺誠牛車載

喪薄葬洛陽問曰家事終無所言任重道遠死而後已遵爲將軍
取士皆用儒術對酒設樂必雅歌投壺又建爲孔子立後奏置五
經大夫雖在軍旅不忘俎豆可謂好禮悅樂守死善道者也禮生
有爵死有諡爵曰殊尊卑諡曰明善惡臣愚曰爲宜因遵薨論敘
眾功詳案諡法曰禮成之顯章國家篤古之制爲後嗣法後漢祭
遵傳

奏難費氏易左氏春秋立博士

建武四年

臣聞主不稽古無曰承天臣不述舊無曰奉君陛下愍學微缺勞
心經藝情存博聞故異端競進近有司請置京氏易博士羣下執
事莫能據正京氏旣立費氏怨望左氏春秋復曰比類亦希置立
京費已行次復高氏春秋之家又有騶夾如令左氏費氏得置博
士高氏騶夾五經奇異竝復求立各有所執乖戾分爭從之則失
道不從則失人將恐陛下必有厭倦之聽孔子曰博學約之弗叛
矣夫夫學而不約必叛道也顏淵曰博我曰文約我曰禮孔子可

謂知敎顏淵可謂善學矣老子曰學道日損損猶約也又曰絕學無憂絕末學也今費左二學無有本師而多反異先帝前世有疑于此故京氏雖立輒復見廢疑道不可由疑事不可行詩書之作其來已久孔子尙周流游觀至于知命自衛反魯乃正雅頌今陛下草創天下紀綱未定雖設學官無有弟子詩書不講禮樂不修奏立左費非政急務孔子曰攻乎異端斯害也已傳曰聞疑傳疑聞信傳信而堯舜之道存願陛下疑先帝之所疑信先帝之所信目示反本明不專已天下之事所目異者目不一本也易曰天下之動貞夫一也又曰正其本萬事理五經之本自孔子始謹奏左氏之失凡十四事

後漢范升傳

奏毀周黨等

臣聞堯不須許由巢父而建號天下周不待伯夷叔齊而王道自成伏見太原周黨東海王良山陽王成等蒙受厚恩使者三聘乃

肯就車脫衣解履升于華轂及陛見帝廷黨不曰禮屈伏而不謁
偃塞敖慢逡巡進退同時俱逝黨等文不能演義武不能死君鈞
采華名庶幾三公之位臣願與竝坐雲臺之下考試圖國之道不
如臣言伏虛妄之罪而敢私竊虛名誇上求高皆大不敬

後漢周黨傳又

御覽四百九十
八引東觀漢記

奏記王邑

升聞子已人不聞于其父母爲孝臣已下不非其君上爲忠今眾
人咸稱朝聖皆曰公明蓋明者無不見聖者無不聞今天下之事
昭昭于日月震震于雷霆而朝云不見公云不聞元元焉所呼天
公已爲是而不言則過小矣知而從令則過大矣二者于公無可
已免宜乎天下歸怨于公矣朝已遠者不服爲至念升已近者不
服爲重憂今動與時戾事與道反馳騫覆車之轍探湯敗事之後
後出益可怪晚發愈可懼耳方春歲首而動發遠役黎藿不充田

荒不耕穀價騰躍斛至數千吏人陷于湯火之中非國家之人也
如此則胡貊守關青徐之寇在于帷帳矣升有一言可曰解天下
倒懸免元元之急不可書傳願蒙引見極陳所懷後漢范升傳

陳元

元字長孫蒼梧廣信人莽厭難將軍陳欽子曰父任爲郎建武
中辟司空李通府又辟司徒歐陽歙府曰病去年老卒于家有
集一卷

上疏難范升奏左氏不宜立博士

陛下撥亂反正文武並用深愍經藝謬雜眞僞錯亂每臨朝日輒
延羣臣講論聖道知臣明至賢親受孔子而公羊穀梁傳聞于後
世故詔立左氏博詢可否示不專己盡之羣下也今論者沈溺所
習翫守舊聞固執虛言傳受之辭曰非親見實事之道左氏孤學
少與遂爲異家之所覆冒夫至音不合衆聽故伯牙絕絃至寶不

同眾奸故下和泣血仲尼聖德而不容于世況于竹帛餘文其爲
雷同者所排固其宜也非陛下至明就能察之臣元竊見博士范
升等所議奏左氏春秋不可立及太史公違戾凡四十五事案什
等所言前後相違皆斷截小文媒黷微辭已年數小差撮爲巨謬
遺脫纖微指爲大尤挾瑕摘毀掩其弘美本傳作弘美從文選傳
咸陽何劭王濟計注改
所謂小辯破言小言破道者也升等又曰先帝不召左氏爲經故
不置博士後主所宜因襲臣愚已爲若先帝所行而後主必行者
則盤庚不當遷于殷周公不當營洛邑陛下不當都山東也往者
孝武皇帝好公羊衛太子好穀梁有詔詔太子受公羊不得受穀
梁孝宣皇帝在人閒時聞衛太子好穀梁于是獨學之及卽位爲
石渠論而穀梁氏興至今與公羊並存此先帝後帝各有所立不
必其相因也孔子曰純儉吾從眾至于拜下則違之夫明者獨見
不惑于朱紫聽者獨聞不謬于清濁故離朱不爲巧眩移目師曠

不爲新聲易耳。方今干戈少弭，戎事略戢，畱思聖執，眷顧儒雅，採孔子下拜之義，卒淵聖獨見之旨，分明黑白，建立左氏，解釋先聖之積結，淘汰學者之累惑，使基業垂千萬世，後進無復狐疑，則天下幸甚。臣元愚鄙，嘗傳師言，如得已褐衣召見，俯伏庭下，誦孔氏之正道，理丘明之病寃，若辭不合經，事不稽古，退就重誅，雖死之日，生之年也。後漢陳元傳

上疏駁江馮督察三公議

臣聞師臣者帝，賓臣者霸。故武王曰：「太公爲師，齊桓曰：「夷吾爲仲父。」孔子曰：「百官總已，聽于冢宰。」近則高帝優相國之禮，太宗假宰輔之權。袁宏紀作齊桓公曰：「管夷吾爲仲父。」古之道也。近魏文侯友田子諸侯，不敢入其境，高皇帝令相國奏事，不拜入殿，不趨所召。及亡新王莽，遭漢中衰，專操國柄，曰：「偷天下。」況已自喻寵大臣也。不信羣臣，奪公輔之任，損宰相之威，已刺舉爲明，微訐爲直，至乃陪僕告其君長，子弟變其父兄，罔密法峻，大臣無所措手足，然不

能禁董忠之謀。身爲世戮。故人君患在白驕。不患驕臣失在白任。不在任人。是呂文王有日昃之勞。周公執吐握之恭。不聞其崇刺舉。務篤察也。方今四方尙擾。天下未一。百姓觀聽。咸張耳目。陛下宜修文武之聖典。襲祖宗之遺德。勞心下士。屈節待賢。誠不宜使有司察公輔之名。

後漢陳元傳又見袁宏後漢紀七各有刪節

杜林

林字伯山。扶風茂陵人。涼州刺史杜鄴子。莽時爲郡吏。後避亂河西。隗囂召爲持書平。曰疾辭祿。建武六年東歸。徵拜侍御史。遷大司徒司直。進光祿勳。東海王傳少府。復爲光祿勳。代朱浮爲大司空。

請徙張步降兵疏

建武八年

臣聞先王無二道。明聖用而治同也。見惡如農夫之務去草焉。芟夷蘊崇之絕其本根。勿使能殖。畏其易也。古今通道。傳其法于有

漢狼子野心奔馬善驚成王深知其終卒之患故曰殷民六族分伯禽七族分康叔懷姓九宗分唐叔揄押其姦宄又遷其餘于成周舊地雜俗旦夕拘錄所曰挫其強禦之力詘其驕恣之節也及漢初興上稽舊章合符重規徙齊諸田楚昭屈景燕趙韓魏之後曰稍弱六國強宗邑里無營利之家野澤無兼井之民萬里一統海內賴安後輒因衰靡之痛習曰送終之義故遂相率而陪園陵無反顧之心追觀往法政皆神道設教強幹弱枝本支百世之要也是曰皆永享康寧之福無怵惕之憂繼嗣承業恭己而治蓋此助也其被災害民輕薄無累重者兩府遣吏護送饒穀之郡或懼死亡卒爲傭賃亦足曰消散其口救贍全其性命也昔魯隱有賢行將致國于桓公乃流連貪位不能早退況草創兵長卒無德能直曰擾亂乘時擅權作威玉食狙伏之意徼幸之望蔓延無足張步之計是也小民負縣官不過身死負兵家滅門殄世陛下昭然

獨見成敗之端。或屬諸侯官府。元元少得舉首仰視。而尙遺脫二
千石。失制御之道。令得復昌熾縱橫。比年大雨。水潦暴長。涌泉盈
溢。災壞城郭官寺。吏民廬舍。潰徙離處。遺成坑坎。臣聞水陰類也。
易卦地上有水。比言性不相害。故曰樂也。而猥相毀墊。淪失常敗。
百姓安居。殆陰下相爲蠹賊。有大小負勝不齊。均不得其所。侵陵
之象也。詩云。畏天之威。于時保之。惟陛下留神明察。往來懼思。天
下幸甚。續漢五行志三注補引東觀書又略見袁宏後漢紀七

上疏議郊祀故事

臣聞營河雒已爲民刻肌膚。已爲削封疆。畫界已建諸侯井田。什
一已供國用。三代之所同。及至漢興。因時宜。趨世務。省煩苛。取實
事。不苟貪高亢之論。是已去土中之京師。就關內之遠都。除肉刑
之重律。用髡鉗之輕法。郡縣不置。世祿之家。農人三十而取一。政
卑易行。禮簡易從。民無愚智。思仰漢德。樂承漢紀。基業特起。不因

緣堯堯遠于漢民不曉信言提其耳終不悅諭后稷近于周民戶
知之世據曰興基由其祚本與漢異郊祀高帝誠從民望得萬國
之歡心天下福應莫大于此民奉種祀且猶世主不失先俗羣臣
僉薦鯨考績不成九載乃登宗廟至重眾心難違不可卒改詩云
不愆不忘率由舊章明當尊用祖宗之故文章也宜如舊制曰解
天下之惑合于易之所謂先天而天弗違後天而奉天時義方軍
師在外祭可且如元年郊祭故事

續漢志上注補引東觀書
又略見後漢杜林傳又杜林傳

奏諫從梁統增科禁

夫人情挫辱則節義之心損刑網繁密則苟免之行生聖帝明王
知其如此故淡識遠慮動居其厚故湯去三面之網易著三驅之
義所曰德刑參用而示民有恥漢德寬厚民無二心軍士左袒樂
爲劉氏多恩之所致也至其後世不能曰德而勤于法故有吹毛

求疵詆欺無限桃李之饋集已成事于是家無全行國無廉夫上下相遁法不能止而仁義之風替矣陛下覽得失之要深知其原故破觚爲圓建斷爲樸法簡易遵網疏易從海內頌政不勝其喜宜如舊制袁宏後漢紀六梁統上書陳法令輕重宜遵舊典事下公卿光祿勳杜林諫上從林議案後漢杜林傳十四年韋氏上言古者肉刑嚴重則人畏法令宜增科禁

官防其源謂下公卿林奏與此互異今並載于後

夫人情挫辱則義節之風損法防繁多則苟免之行興孔子曰導之曰政齊之曰刑民免而無恥導之曰德齊之曰禮有恥且格古之明王深識遠慮動居其厚不務多辟周之五刑不過三千大漢初興詳覽失得故破矩爲圓斲彫爲樸蠲除苛政更立疏網海內歡欣人懷寬德及至其後漸已滋章吹毛索疵詆欺無限果桃李茹之饋集已成臧小事無妨于義已爲大戮故國無廉士家無完行至于法不能禁令不能止上下相遁爲敝彌深臣愚已爲宜如舊制不合翻移後漢杜林傳又見通典一百六十六

上書薦鄭興

竊見河南鄭興執義堅固敦悅詩書好古博物見疑不惑有公孫
僑觀射父之德宜侍帷幄典職機密昔張仲在周燕翼宣王而詩
人悅喜惟陛下留聽少察曰助萬分後漢鄭興傳又略見袁宏後漢紀六

遣子奉書馬援

將軍內施九族外有賓客望恩者多林父子兩人食列卿祿常有
盈今送錢五萬後漢杜林傳注御覽八百三十五並引東觀記

杜詩

詩字君公河內汲人莽時爲郡功曹更始時辟大司馬府建武
初三遷爲侍御史賜棨戟拜成臯令歷沛郡都尉汝南都尉遷
南陽太守

薦伏湛疏

建武六年後

臣聞唐虞曰股肱康文士曰多士寧是故詩稱濟濟書曰良哉臣

詩竊見故大司徒陽都侯伏湛自行束脩訖無毀玷篤信好學守死善道經爲人師行爲儀表前在河內朝歌及居平原吏人畏愛則而象之遭時反覆不離兵凶秉節持重有不可奪之志陛下深知其能顯曰宰相之重眾賢百姓仰望德義微過斥退久不復用有識所惜

御覽作識者怒惜

儒士痛心臣竊傷之湛容貌堂堂國之光暉

智略謀慮朝之淵藪髻髮厲志白首不衰實足曰先後王室名足曰光示遠人古者選擢諸侯曰爲公卿四方回首仰望京師柱石之臣宜居輔弼出入禁門補缺拾遺臣詩愚慙不足曰知宰相之才竊懷區區敢不自竭臣前爲侍御史上封事言湛公廉愛下好惡分明累世儒學素持名信經明行修通達國政尤宜近侍納言左右舊制九州五尚書令一郡二人可曰湛代頗爲執事所非但臣詩蒙恩深渥所言誠有益于國雖死無恨故復越職觸冒曰聞

後漢伏湛傳又御覽三百八十九六百三十一引東觀漢記

乞退郡疏

陛下亮成天工克濟大業偃兵修文羣帥反旅海內合和萬世蒙
福天下幸甚唯匈奴未譬聖德威侮二垂陵虐中國邊民虛耗不
能自守臣恐武猛之將雖勤亦未得解甲櫜弓也夫勤而不息亦
怨勞而不休亦怨怨恨之師難復資功臣伏覩將帥之情功臣之
望冀一休足于內郡然後卽戎出命不敢有恨臣愚曰爲師克在
和不在眾陛下雖垂念北邊亦當頗泄用之昔湯武善御眾故無
忿驚之師陛下起兵十有三年將帥和睦士卒裒然今若使公卿
郡守出于軍壘則將帥自厲士卒之復比于宿衛則戎士自百何
者天下已安各重性命大臣曰下咸懷樂土不譬其功而厲其用
無曰勸也陛下誠宜虛缺數郡曰俟振旅之臣重復厚賞加于久
役之士如此緣邊屯戍之師競而忘死乘城拒塞之吏不辭其勞
則烽火精明守戰堅固聖王之政必因人心今猥用愚薄塞功臣

之望誠非其宜臣詩伏自惟忖本已史吏一介之才遭陛下創制大業賢俊在外空乏之間超受大恩收養不稱奉職無效久竊祿位令功臣懷慍誠惶誠恐八年上書乞避功德陛下殊恩未許放退臣詩蒙恩尤深義不敢苟冒虛請誠不勝至願願退大郡受小職及臣齒壯力能經營劇事如使臣詩必有補益復受大位雖析珪授爵所不辭也惟陛下哀矜

後漢杜詩傳

請曰虎符發兵疏

臣聞兵者國之凶器聖人所慎舊制發兵皆曰虎符其餘徵調竹使而已符策合會取爲大信所曰明著國命斂持威重也閒者發兵但用璽書或曰詔令如有姦人詐僞無由知覺愚臣爲軍旅尙興賊虜未殄徵兵郡國宜有重慎可立虎符曰絕姦端昔魏之公子威傾鄰國猶假兵符曰解趙圍若無如姬之仇則其功不顯事有煩而不可省費而不得已蓋謂此也

後漢杜詩傳

第五倫

倫字伯魚京兆長陵人莽時爲郡吏又爲鄉嗇夫自已久宦不

達變姓名爲王伯齊

袁宏後漢紀作王伯春

久客河東號爲道士建武中

京兆尹閭興召爲主簿署督鑄錢掾領長安市舉孝廉補淮陽國醫工長尋除扶夷長未到官追拜會稽太守永平中坐法免後爲宕渠令遷蜀郡太守建武初代牟融爲司空元和末致仕後數年卒年八十餘

上疏論馬防

臣愚已爲貴戚可封侯已富之不當職事已任之何者繩已法則傷恩私已親則違憲伏聞馬防今當西征臣已太后恩仁陛下至孝恐卒有纖介難爲意愛聞防請杜篤爲從事中郎多賜財帛篤爲鄉里所廢客居美陽女弟爲馬氏妻恃此交通在所縣令苦其不法收繫論之今來防所議者咸致疑怪況乃已爲從事將恐議

及朝廷今宜爲選賢能曰輔助之不可復令防白請人有損事望

苟有所懷敢不自聞

後漢第五倫傳又略見袁宏後漢紀十一

上疏褒稱盛美曰勸成風德

陛下卽位躬天然之德體晏晏之姿曰寬弘臨下出入四年前歲

誅刺吏二千石貪殘者六人斯皆明聖所鑒非羣下所及然詔書

每下寬和而政急不解務存節儉而奢侈不止者咎在俗敝羣下

不稱故也

袁宏紀此下有臣聞爲政三年有成必世而後仁

光武承王莽之餘頗曰嚴猛

爲政後代因之遂成風化郡國所舉類多辨職俗吏殊未有寬博

之選曰應上求者也陳畱令劉豫冠軍令駟協竝曰刻薄之姿臨

人宰邑專念掠殺務爲嚴苦吏民愁怨莫不疾之而今之議者反

曰爲能違天心失經義誠不可不慎也非徒應坐豫協亦當宜譴

舉者務進仁賢曰任時政不過數人則風俗自化矣臣嘗讀書記

知秦曰酷急亡國又目見王莽亦曰苛法自滅故勤勤懇懇實在

于此又聞諸王主貴戚驕奢踰制京師尙然何已示遠故曰其身
不正雖令不從已身教者從已言教者訟夫陰陽和歲乃豐君臣
同心化乃成也其刺史太守已下拜除京師及道出洛陽者宜皆
召見可因博問四方兼已觀察其人諸上書言事有不合者可但
報歸田里不宜過加喜怒已明在寬臣愚不足採

後漢第五倫傳
又見袁宏後漢

紀十一有刪節
亦有多出句

上疏論竇憲

臣得已空虛之質當輔弼之任素性鯨性位尊爵重拘迫大義思
自策厲雖遭百死不敢擇地又況親遇危言之世哉今承百王之
敝人尙文巧咸趨邪路莫能守正伏見虎賁中郎將竇憲椒房之
親典司禁兵出入省闈年盛志美卑謙樂善此誠其好士交結之
方然諸出入貴戚者類多瑕釁禁錮之人尤少守約安貧之節士
大夫無志之徒更相販賣雲集其門眾煦飄山聚蚊成雷蓋驕逸

所從生也。三輔論議者至云：「已貴戚廢錮，當復已貴戚浣濯之，猶解酲當已酒也。」設險趨勢之徒，誠不可親近。臣愚願陛下中宮嚴敕憲等閉門自守，無妄交通士大夫，防其未萌，慮于無形，令憲永保福祿。君臣交歡，無纖介之隙，此臣之所至願也。後漢第五倫傳又略見袁宏後漢紀

十一
上書請抑損后族

臣聞忠不隱諱，直不避害，不勝愚狷，昧死自表。書曰：「臣無作威作福，其害于而家，凶于而國。」傳曰：「大夫無境外之交，東脩之饋，近代光烈皇后，雖友愛天至，而卒使陰就歸國，徙廢陰興賓客，其後梁竇之家，互有非法。明帝卽位，竟多誅之，自是洛中無復權戚。書記請託，一皆斷絕。又譬諸外戚曰：「苦身待士，不如爲國。」戴盆望天，事不兩施。臣常刻著五藏，書諸紳帶，而今之議者，復已馬氏爲言。竊聞衛尉廖已布三千匹，城門校尉防已錢三百萬，私贍三輔衣冠。

知與不知莫不畢給。又聞臘日亦遺其在洛中者錢各五千。越騎校尉光臘用羊三百頭、米四百斛、肉五千斤。臣愚曰：爲不應經義，惶恐不敢言。不聞陛下情欲厚之，亦宜所已安之。臣今言此，誠欲上忠陛下，下全后家。裁蒙省察。後漢第五倫傳

封上吏民奏記

臣任重憂深，不能出奇策異謀。吏民責讓臣者多，謹竝封上。袁宏後漢

紀十

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷十九終

全後漢文卷二十

烏程嚴可均校輯

馮衍

衍字敬通京兆杜陵人莽時更始將軍廉丹辟爲掾丹敗死亡命河東更始時尙書僕射鮑永行大將軍事安集北方曰爲立漢將軍領狼孟長屯太原後聞更始歿爲發喪罷兵來降光武怨不時至見黜尋曰爲曲陽令有功不封後爲司隸從事坐交通外戚得罪赦歸故郡永平中卒有集五卷

顯志賦

又自論

馮子曰爲大人之德不碌碌如玉落落如石風興雲蒸一龍一蛇與道翱翔與時變化夫豈守一節哉用之則行舍之則藏進退無主屈伸無常故曰有法無法因時爲業有度無度與物趣舍常務道德之實而不求當世之名闢略杪小之禮傷佚人閒之事正身

直行恬然肆志。顧嘗好傲儻之策。時莫能聽用其謀。喟然長歎。自傷不遭久。棲遲于小官。不得舒其所懷。抑心折節。意悽情悲。夫伐冰之家。不利維豚之息。委積之臣。不操市井之利。況歷位食祿二十餘年。而財產益狹。居處益貧。惟夫君子之仕。行其道也。慮時務者。不能與其德爲身求者。不能成其功。去而歸家。復羈旅于州郡。身愈據職。家彌窮困。卒離飢寒之災。有喪元子之禍。先將軍葬渭陵。哀帝之崩也。營之已爲圜。于是曰新豐之東。鴻門之上。壽安之中。地勢高敞。四通廣大。南望鄠山。北屬涇渭。東瞰河華。龍門之陽。三晉之路。西顧鄠郛。周秦之丘。宮觀之墟。通視千里。覽見舊都。遂定塋焉。退而幽居。蓋忠臣過故墟而歎歎。孝子入舊室而哀歎。每念祖考。著盛德于前。垂鴻烈于後。遭時之禍。墳墓蕪穢。春秋烝嘗。昭穆無列。年衰歲暮。悼無成功。將西田牧肥饒之野。殖生產。修孝道。營宗廟。廣祭祀。然後闔門講習道德。觀覽乎孔老之論。庶幾乎

松喬之福上隴阪陟高岡游精宇宙流目八紘歷觀九州山川之體追覽上古得失之風愍道陵遲傷德分崩夫覩其終必原其始故存其人而詠其道疆里九野經營五山眇然有思陵雲之意乃作賦自厲命其篇曰顯志顯志者言光明風化之情昭章玄妙之思也其辭曰

開歲發春兮百卉含英甲子之朝兮汨吾西征發軔新豐兮裴回鎬京陵飛廉而太息兮登平陽而懷傷悲時俗之險阨兮哀好惡之無常棄衡石而意量兮隨風波而飛揚紛綸流于權利兮親霑同而妒異獨耿介而慕古兮豈時人之所意沮先聖之成論兮邇名賢之高風忽道德之珍麗兮務富貴之樂耽遵大路而褻回兮履孔德之窈冥固眾夫之所眩兮孰能觀于無形行勁直曰離尤兮羌前人之所有內自省而不慙兮遂定志而弗改欣吾黨之唐虞兮愍吾生之愁勤聊發憤而揚情兮將已蕩夫憂心往者不可

攀援兮來者不可與期。病沒世之不稱兮。願橫逝而無由。陟雍時
而消搖兮。超略陽而不反。念生人之不再兮。悲六親之日遠。陟九
峻而臨窆。辭兮。聽涇渭之波聲。顧鴻門而歔歔兮。哀吾孤之早零。
何天命之不純兮。信吾罪之所生。傷誠善之無辜兮。齎此恨而入
冥。嗟我思之不遠兮。豈敗事之可悔。雖九死而不瞑兮。恐餘殃之
有再。波汎瀾而雨集兮。氣湧浮而雲披。心怫鬱而紆結兮。意沈抑
而內悲。瞰太行之峩峩兮。觀壺口之崢嶸。悼丘墓之蕪穢兮。恨昭
穆之不榮。歲忽忽而日邁兮。壽冉冉其不與。恥功業之無成兮。赴
原野而窮處。昔伊尹之干湯兮。七十說而乃信。皋陶釣于雷澤兮。
賴虞舜而後親。無二士之遭遇兮。抱忠貞而莫達。率妻子而耕耘
兮。委厥美而不伐。韓盧抑而不縱兮。騏驥絆而不試。獨慷慨而遠
覽兮。非庸庸之所識。率衛賜之阜貨兮。高顏回之所慕。重祖考之
洪烈兮。故收功于此路。循四時之代謝兮。分五土之刑德。相林麓

之所產兮，膏水泉之所殖。修神農之本業兮，採軒轅之奇策。追周
棄之遺教兮，軼范蠡之絕迹。陟隴山以踰望兮，眇然覽于八荒。風
波飄其竝興兮，情惆悵而增傷。覽河華之決潏兮，望秦晉之故國。
憤馮亭之不遂兮，慍去疾之遭惑。流山岳而周覽兮，徇碣石與洞
庭。浮江河而入海兮，沂淮濟而上征。瞻燕齊之舊居兮，歷宋楚之
名都。哀羣后之不祀兮，痛列國之爲墟。馳中夏而升降兮，路紆軫
而多艱。講聖哲之通論兮，心惛憶而紛紜。惟天路之同軌兮，或帝
王之異政。堯舜煥其蕩蕩兮，禹承平而革命。并日夜而幽思兮，終
餘憚而洞疑。高陽懸其超遠兮，世孰可已論茲。凱夏啟于甘澤兮，
傷帝典之始傾。頌成康之載德兮，詠南風之高聲。思唐虞之晏晏
兮，捐稷契以爲朋。苗裔紛其條暘兮，至湯武而勃興。昔三后之純
粹兮，每季世而窮禍。弔夏桀于南巢兮，哭殷紂于牧野。詔伊尹于
亳郊兮，享呂望于鄴州。功與日月齊光兮，名與三王爭流。揚朱號

乎衢路兮。墨子泣乎白絲。知漸染之易性兮。怨造作之弗思。美關
雎之識微兮。愍王道之將崩。拔周唐之盛德兮。掇桓文之譎功。忿
戰國之遺禍兮。憎權臣之擅彊。黜楚子于南郢兮。執趙武于淇梁。
善忠信之救時兮。惡詐謀之妄作。聘申叔于陳蔡兮。禽荀息于虞
虢。誅犁鋤之介聖兮。討臧倉之愬知。娛子反于彭城兮。爵管仲于
夷儀。疾兵革之寢滋兮。苦攻伐之萌生。沈孫武于五湖兮。斬白起
于長平。惡叢巧之亂世兮。毒縱橫之敗俗。流蘇秦于涇水兮。幽張
儀于鬼谷。澄德化之陵遲兮。烈刑罰之峭峻。燔商鞅之法術兮。燎
韓非之說論。誚始皇之跋扈兮。投李斯于囚裔。滅先王之法則兮。
禍淺淫而弘大。援前聖以制中兮。矯二主之驕奢。饁女齊于絳臺
兮。饗椒舉于章華。摘道德之光耀兮。匡衰世之眇風。褒宋襄于泓
谷兮。表季札于延陵。撫仁智之英華兮。激亂國之末流。觀鄭僑于
潦洧兮。訪晏嬰于營丘。日曠曠其將暮兮。獨於邑而煩惑。夫何九

州之博大兮，迷不知路之南北。騶素蚪而馳騁兮，乘翠雲而相侔。
就伯夷而折中兮，得務光而愈明。款子高于中野兮，遇伯成而定
慮。欽真人之德美兮，淹躊躇而弗去。意斟湛而不澹兮，俟回風而
容與。求善卷之所存兮，遇許由于負黍。軻吾車于箕陽兮，秣吾馬
于潁潁。聞至言而曉領兮，還吾反乎故宇。覽天地之幽奧兮，統萬
物之維綱。究陰陽之變化兮，昭五德之精光。躍青龍于滄海兮，泰
白虎于金山。鑿巖石而爲室兮，託高陽以養仙。神雀翔于鴻崖兮，
立武潛于嬰冥。伏朱樓而四望兮，采三秀之華英。文選登樓賦注
謝眺鼓吹曲注纂前修之夸節兮，曜往昔之光勳。披綺季之麗服兮，揚屈原之靈
芬。高吾冠之岌岌兮，長吾佩之洋洋。飲六醴之清液兮，食五芝之
茂英。捷六枳而爲籬兮，文選天台賦
注開居賦注築蕙若而爲室。播蘭芷于中
庭兮，列杜衡于外術。攢射干維靡蕪兮，構木蘭與新夷。光扈扈而
煬燿兮，紛郁郁而暘美。華芳睡其發越兮，時恍惚而莫貴。非惜身

之埶軻兮。憐眾美之憔悴。游精神于大宅兮。抗玄妙之常操。處清
靜曰養志兮。實吾心之所樂。山峨峨而造天兮。林冥冥而暘茂。鸞
回翔索其羣兮。鹿哀鳴而求其友。誦古今曰散思兮。覽聖賢曰自
鎮。嘉孔丘之知命兮。大老聃之貴玄。德與道其孰寶兮。名與身其
孰親。陂山谷而閒處兮。守寂寞而存神。夫莊周之釣魚兮。辭卿相
之顯位。於陵子之灌園兮。似至人之髣髴。蓋隱約而得道兮。羌窮
悟而入術。離塵垢之窈冥兮。配喬松之妙節。惟吾志之所庶兮。固
與俗之不同。既俶高而高引兮。願觀其從容。後漢書衍傳又略見
載文類聚二十六

楊節賦序

馮子耕于驪山之阿。渭水之陰。廢弔問之禮。絕游宦之路。眇然有
超物之心。無偶俗之志。文選注西征賦注初學記六

上疏自陳

臣伏念帝王大體。古今通論。常獨慨然。夫曰高祖之略。而陳平之

謀毀之則疏，舉之則親。曰：文帝之明，而魏尚之忠，繩之曰：法則爲罪，施之曰：德，則爲功。逮至晚世，董仲舒言道德見妒，于公孫弘、李廣奮節于匈奴，見排于衛青。此忠臣之常爲流涕也。臣衍自惟微賤之臣，上無無知之薦，下無馮唐之說，乏董生之才，寡李廣之勢，而欲免讒口，濟怨嫌，豈不難哉！臣衍之先祖，曰忠貞之故，成私門之禍，而臣衍復遭擾攘之時，值兵革之際，不敢回行苟容，曰：求時之利，事君無傾邪之謀，將帥無虜掠之心，衛尉陰興敬慎周密，內自修敕，外遠嫌疑，故敢與交通。興知臣之貧，數欲本業之，臣自惟無三益之才，不敢處三損之地，固讓而不受之。昔在更始，太原執貨財之柄，居倉卒之間，據位食祿二十餘年，而財產歲狹，居處曰貧，家無布帛之積，出無輿馬之飾。于今遭清明之世，飭躬力行之秋，而怨讐叢興，譏議橫世，蓋富貴易爲善，貧賤難爲工也。疏遠寵畝之臣，無望高闕之日，惶恐自陳。曰：救罪過。

袁宏後漢紀八又見後漢馮衍傳

上書陳事

一曰顯文德二曰褒武烈三曰修舊功四曰招俊傑五曰明好惡
六曰簡法令七曰差祿秩八曰撫邊境

袁宏後漢紀六
後漢馮衍傳

說廉丹

衍聞順而成者道之所大也逆而功者權之所貴也是故期于有成不問所由論于大體不守小節昔逢丑父伏軾而使其君取飲稱于諸侯鄭祭仲立突而出忽終得復位美于春秋蓋曰死易生已存易亡君子之道也詭于眾意寧國存身賢智之慮也故易曰窮則變變則通通則久是已自天祐之吉無不利若夫知其不可而必行之破軍殘眾無補于主身死之日負義于時知者不爲勇者不行且衍聞之得時無忌張良已五世相韓椎秦始皇博浪之中勇冠平賁育名高乎秦山將軍之先爲漢信臣新室之興英俊不附今海內潰亂人懷漢德甚于詩人思召公也愛其甘棠而況

子孫平人所歌舞。天必從之。方今爲將軍計。莫若屯據大郡。鎮撫吏士。砥礪其節。百里之內。牛酒日賜。納雄桀之士。詢忠智之謀。要將來之心。待從橫之變。興社稷之利。除萬人之害。則福祿流于無窮。功烈著于不滅。何與軍覆于中原。身膏于草野。功敗名喪。恥及先祖哉。聖人轉禍而爲福。智士因敗而爲功。願明公深計。而無與俗同。

後漢馮衍傳

復說廉丹

蓋聞明者見于無形。智者慮于未萌。況其昭哲者乎。凡患生于所忽。禍發于細微。敗不可悔。時不可失。公孫鞅曰。有高人之行。負非于世。有獨見之慮。見贊于人。故信庸庸之論。破金石之策。襲當世之操。失高明之德。夫決者智之君也。疑者事之役也。時不重至。公勿再計。

後漢馮衍傳

計說鮑永

衍聞明君不惡切慙之言。呂測幽冥之論。忠臣不顧爭引之患。已達萬機之變。是故君臣兩興。功名兼立。銘勒金石。令問不忘。今衍幸逢寬明之日。將值危言之時。豈敢拱默避罪。而不竭其誠哉。伏念天下離王莽之害久矣。始自東郡之師。繼以西海之役。巴蜀沒于南夷。緣邊破于北狄。遠征萬里。暴兵累年。禍擘未解。兵連不息。刑法彌深。賦斂愈重。眾彊之黨。橫擊于外。百僚之臣。貪殘于內。元元無聊。饑寒竝臻。父子流亡。夫婦離散。廬落丘墟。田疇蕪穢。疾疫大興。災異蜂起。于是江湖之上。海岱之濱。風騰波涌。更相貽藉。四垂之人。肝腦塗地。死亡之數。不啻太半。殃咎之毒。痛入骨髓。匹夫僮婦。咸懷怨怒。皇帝已聖德靈威。龍興鳳舉。率宛葉之眾。將散亂之兵。噴血昆陽。長驅武關。破百萬之陳。摧九虎之軍。雷震四海。席卷天下。攘除禍亂。誅滅無道。一莽之閒。海內大定。繼高祖之休烈。修文武之絕業。社稷復存。炎精更輝。德冠往初。功無與二。天下自

曰去亡新就聖漢當蒙其福而賴其願樹恩布德易曰周洽其猶
順驚風而飛鴻毛也然而諸將虜掠逆倫絕理殺人父子妻人婦
女燔其室屋略其財產饑者毛食寒者裸跣冤結失望無所歸命
今大將軍呂明淑之德秉大使之權統三軍之政存撫并州之人
惠愛之誠加乎百姓高世之聲聞乎羣士故其延頸企踵而望者
非特一人也且大將軍之事豈得在于珪璧其行束修其心而已
哉將定國家之大業成天地之元功也昔周宣中興之主齊桓霸
疆之君耳猶有申伯召虎夷吾吉甫攘其蝥賊安其疆宇況乎萬
里之漢明帝復興而大將軍爲之梁棟此誠不可已忽也且衍聞
之兵久則力屈民愁則變生今邯鄲之賊未滅真定之際復擾而
大將軍所部不過百里守城不休戰軍不息兵革雲翔百姓震駭
奈何自怠不爲深憂夫并州之地東帶名關北逼疆胡年穀獨孰
人庶多資斯四戰之地攻守之場也如其不虞何已待之故曰德

非常作必

不素積人不爲用。備不像具。雖曰應卒。今生人之命。縣于將軍。將軍所杖。必須良才。宜改易非任。更選賢能。夫十室之邑。非有忠信。審得其人。曰承大將軍之明。則雖山澤之人。無不感德。思樂爲用矣。然後簡精銳之卒。發屯守之士。三軍旣整。甲兵已具。相其土地。之饒。觀其水泉之利。制屯田之術。習戰射之教。則威風遠颺。人安其業矣。若鎮太原。撫上黨。收百姓之歡心。樹名賢之良佐。天下無變。則足曰顯聲譽。一朝有事。則可曰建大功。惟大將軍開日月之明。發深淵之慮。監六經之論。觀孫吳之策。省羣議之是非。詳眾士之白黑。曰超周南之迹。垂甘棠之風。令夫功烈施于千載。富貴傳于無窮。伊望之策。何曰加茲。後漢馮衍傳又見茲文類聚二十五非說鮑永今考建武初衍未辟鄧禹府禹亦未至并州至罷兵來降見鮑之後始詣鄧禹耳此當從范書作說鮑永爲是

詣鄧禹牋

今日裴與裴就急。見兩則裴不用。上堂則裴不御。此更爲適者也。

今敬通逢堂冀之不遇也

御覽七百六十五

遺田邑書

蓋聞晉文出奔而子犯宣其忠趙武逢難而程嬰明其賢二子之義當矣今三王背叛赤眉危國天下蠭動社稷顛隕是忠臣立功之日志士馳馬之秋也伯玉擢選剖符專宰大郡夫上黨之地有四塞之固東帶三關西爲國蔽柰何舉之曰資疆敵開天下之匈假仇讐之刃豈不哀哉衍聞之委質爲臣無有二心挈瓶之智守不假器是曰晏嬰臨盟擬曰曲戟不易其辭謝息守鄙晉魯不喪其邑由是言之內無鉤頸之禍外無桃萊之利而被畔人之聲蒙降城之恥竊爲左右羞之且邾庶其竊邑畔君曰要大利曰賤而必書莒牟夷曰土地求食而名不滅是曰大丈夫動則思禮行則思義未有背此而身名能全者也爲伯玉深計莫若與鮑尙書同情戮力顯忠貞之節立超世之功如曰尊親係累之故能捐

位投命歸之尚書大義既全敵入紆怨上不損剖符之責下足救老幼之命申眉高談無愧天下若乃貪上黨之權惜全邦之實衍恐伯玉必懷周趙之憂上黨復有前年之禍昔晏平仲納延陵之誨終免樂高之難孫林父違穆子之戒故陷終身之惡曰爲伯玉聞此至言必若刺心自非嬰城而堅守則策馬而不顧也聖人轉禍而爲福智士因敗曰成勝願自彊于時無與俗同後漢衍傳今曰一節之任建三軍之威豈特寵其八尺之竹鼈牛之尾也何

二百七

十四

左平山東右匡社稷

文選殷仲文解上書表注

說鄧禹書

衍聞昔者先王學大道曰觀于政夫爲君而不明于道上無曰承天下無曰化民爲臣而不明于道進無曰事君退無曰修身聖朝天然之資將軍純茂之德誠少游神乎經書之林馳情乎玄妙之

中明照于日月而智溢于四海聖朝享堯舜之榮將軍荷稷契之烈自然理也

藝文類聚五十五

夫虎豹愛大林蛟龍愛大水

御覽八百九十二

與鄧禹書

衍曰爲神輸意則聊城之說碧雞之辨不足難也

文選劉峻廣絕交論注

與陰就書

衍聞神龍驤首幽雲景蒸明聖修德志士思名是曰意同情合聲比相應也伏見君侯忠孝之性慈仁愍勸論義周密思慮深遠顧曰微賤數蒙聖恩被侯大惠衍年老被病恐一旦無祿命先犬馬懷抱不報齋恨入冥思剖肝膽有已塞責方今天下安定四海咸服蒙恩更生之臣無所效其死力側聞東平山陽王壯當之國擇除官屬衍不自量願侯白已衍備門衛鄙語曰水不激不能破舟矢不激不能飲羽不念舊惡名賢所高負責之臣欲言不敢惟侯

哀憐深留聖心則閭棺之日魂復何恨

後漢馮衍傳注引衍集

又與陰就書

奏曹掾馮衍叩頭死罪衍材素愚鯨行義污穢外無鄉里之譽內
無汗馬之勞猥蒙明府天覆之德華寵重疊聞者掾史疑衍之罪
眾煦麗山當爲灰土賴蒙明察揆其素行復保首領倍知厚德篤
干慈父寢淫肌膚滲漉骨髓德重山嶽澤深河海前送妻子還淄
縣遭逢暑雨已七月還至陽武聞詔捕諸王賓客惶怖詣闕冀先
事自歸十一日到十二日上書上字本脫從大選江淹恨賦注補報歸田里即日
束手詣洛陽詔獄十五日夜詔書勿問得出遭雨又疾大困冀高
世之德施已田子老馬之惠贈已秦穆駿馬之恩使長有依歸已
效忠心後漢馮衍傳注

與婦弟任武達書

天地之性人有喜怒夫婦之道義有離合先聖之禮士有妻妾雖

宗之眇微尙欲踰制年衰歲暮恨入黃泉遭遇嫉妬家道崩壞五子之母足尙在門五年已來日甚歲劇言白爲黑言非爲是造作端末妄生首尾無罪無辜謾口噉噉亂匪降天生自婦人青蠅之心不重破國嫉妬之情不憚喪身牝鷄之晨維家之索古之大患今始于衍醉飽過差輒爲桀紂房中調戲布散海外張目抵掌言有爲無痛徹蒼天毒流五臟愁令人不賴生忿令人不顧禍入門着牀繼嗣不育紡績織紉子無女工家貧無值賤爲匹夫故舊見之莫不悽愴會無憫惜之恩唯一婢武達所見頭無釵澤面無脂粉形骸不蔽手足抱土不原其窮不揆其情跳梁大叫呼若人冥販糖之妾不忍其態計婦當去久矣念兒曹小家無它使哀憐美豹常爲奴婢惻惻焦心事事腐腸訥訥籍籍不可聽聞暴虐此婢不死如髮半年之間膿血橫流婢病之後美竟春炊豹又觸冒泥塗心爲愴然綠縠放散冬衣不補端坐化亂一縷不貫旣無婦道

又無母儀忿見侵犯恨見狼籍依倚鄭令如居天上持質相劫詞
語百車劍戟在門何暇有讓百弩環舍何可彊復舉宗達人解說
詞如循環口如布穀縣幡竟天擊鼓動地心不為惡身不為搖宜
詳居錯且自為計無已上書告訴相恐狗吠不驚自信其情不去
此婦則家不寧不去此婦則家不清不去此婦則福不生不去此
婦則事不成自恨曰華盛時不早自定至于垂白家貧身賤之日
養癰長疽自生禍殃衍已室家紛然之故捐棄衣冠側身山野絕
交游之路杜仕宦之門閨門不出心專耕耘已求衣食何敢有功
名之路哉後漢馮衍傳注引衍集又見魏文類聚三十五案文選曰馮敬通廢于家娶北地任氏女為妻忌不得蓄賤妾兒女常自操井口

答任武達書

敢不露陳宿昔之意

文選鮑照白頭吟注

與宣孟書

居室之義人之大倫思厚歡和之節樂定金石之固又自傷前遭
不其比有去兩婦之名事誠不得不然豈中心之所好哉後漢馮衍傳注

書
百齡之期未有能至文選頭陀寺碑文注

問交後漢馮衍傳注衍集有問交一篇

德誥

沈情幽思引六經之精微文選蜀都賦注

仲尼言語不習則子貢侍文選顏延之皇太子釋奠會詩注

慎情後漢馮衍傳注衍集有慎情一篇

刀陽銘

脩爾甲兵用戒不虞見危致命臨事而懼文不可匿武不可顯文

武孔純荷天子祿藝文類聚六十衛覽三百四十六

刀陰銘

溫溫穆穆配天之威苗裔無疆福報永綏

藝文類聚六十御覽三百四十六

杖銘

杖莫如信行莫如仁惠而無實怨及爾身趙武之珍子罕之寶二

子之迹蓋近于道

藝文類聚六十九

車銘

乘車必護輪治國必愛民車無輪安處國無民誰與

藝文類聚七十一初學記

五

席前右銘

修爾容貌飾爾衣服文之曰辭實之曰德

初學記二十五

席後右銘

冠帶之張從容有常威儀之華惟德之英

初學記二十五

杯銘

樂則思舊燕則思懼民之失德乾饑已愆

藝文類聚七十三御覽七百五十九

爵銘

福如江海壽配列真

文選魏都賦景福殿賦注江賦注

銘

元正上日百福孔靈

初學記四

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷二十終